

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
«ԷՆ - ԱՌԻԴԻՏ»

ՄԱՀՄԱՆԱՓԱԿ
ՊԱՏԱՄԽԱՆԱՏՎՈՒԹՅԱՄԲ
ԸՆԿԵՐՈՒԹՅՈՒՆ



REPUBLIC OF ARMENIA
“ N – AUDIT “

LIMITED LIABILITY
COMPANY

375002, Երևան, Թումանյան-40/28

375002, Yerevan, st. Tumanyan-40/28

Հեռ. ☎ (37410) 53-40-41, (37491,94) 40-80-41

Աուդիտորական ծառայությունների
իրականացման
Լիցենզիա 007, 06.06.2002թ

25.01.2019

ԱՆԿԱՄ ԱՌԻԴԻՏՈՐԱԿԱՆ ԵԶՐԱԿԱՑՈՒԹՅՈՒՆ

«Առողջության պահպանման Հյուսիսային» հիմնադրամի հոգաբարձուների խորհրդին

Մեր կողմից աուդիտի է ենթարկվել «Առողջության պահպանման Հյուսիսային» հիմնադրամին կից ներկայացվող 2018 թվականի գործունեության հաշվետվությունը, որը ներառում է 2018թ.-ի դեկտեմբերի 31-ի դրությամբ իրականացված ծրագրերի, ֆինանսավորման աղբյուրների, ֆինանսական տարում օգտագործված միջոցների ընդհանուր չափի և դրանցում կանոնադրական նպատակների իրականացմանն ուղղված ծախսերի չափի վերաբերյալ տեղեկություններ:

Հաշվետվության համար ղեկավարության պատասխանատվությունը

Նշված հաշվետվությունը ՀՀ օրենսդրության պահանջներին համապատասխան կազմելու և արժանահավատ ներկայացնելու համար պատասխանատվություն է կրում հիմնադրամի ղեկավարը: Այս պատասխանատվությունը ներառում է՝ խաբեության կամ սխալի հետևանքով առաջացած էական խեղաթյուրումներից զերծ հաշվետվություններ կազմելու և արժանահավատորեն ներկայացնելու անհրաժեշտ ներքին վերահսկողության համակարգի սահմանում, կիրառում և պահպանում, հաշվապահական հաշվառման համապատասխան քաղաքականության ընտրություն և կիրառում, ինչպես նաև տվյալ հանգամանքներում ողջամիտ հաշվապահական գնահատումների կատարում:

Աուդիտորի պատասխանատվությունը և աշխատանքների բնույթի նկարագիրը

Մեր պարտականությունն է անցկացված աուդիտի արդյունքում արտահայտել կարծիք հաշվետվության վերաբերյալ: Մենք աուդիտն անցկացրեցինք աուդիտի միջազգային ստանդարտներին համապատասխան: Այդ ստանդարտներով պահանջվում է, որ մենք պահպանենք մասնագիտական վարքագծի կանոններ, աուդիտը պլանավորենք եւ իրականացնենք հաշվետվությունը էական խեղաթյուրումներից զերծ լինելու մասին ողջամիտ հավաստիացում ձեռք բերելու նպատակով:

Աուդիտորական աշխատանքները ներառում են աուդիտորի դատողության վրա հիմնված ընթացակարգերի իրականացում, որոնք ուղղված են հաշվետվություններում արտացոլված տեղեկատվության և բացահայտումների վերաբերյալ աուդիտորական ապացույցների ձեռքբերմանը: Աուդիտորական աշխատանքները ներառում են նաեւ հաշվետվությունների կազմման ժամանակ կիրառված հաշվապահական հաշվառման սկզբունքների գնահատումը, կազմակերպության ղեկավարության կողմից կատարված էական արժեքների գնահատումների հետազոտումը և հաշվետվության ներկայացման ընդհանուր գնահատումը:

Մենք գտնում ենք, որ իրականացված աուդիտորական աշխատանքների արդյունքները բավարար հիմք են հանդիսանում մեր կարծիքն արտահայտելու համար:

Կ ա ր ծ ի ք

Մեր կարծիքով «Առողջության պահպանման Հյուսիսային» հիմնադրամի կողմից կազմված հաշվետվությունը, բաղկացած իրականացված ծրագրերի, ֆինանսավորման աղբյուրների, ֆինանսական տարում օգտագործված միջոցների ընդհանուր չափի և դրանցում կանոնադրական նպատակների իրականացմանն ուղղված ծախսերի չափի վերաբերյալ տեղեկություններից, բոլոր էական առումներով ճշմարիտ է ներկայացված և կազմված է ՀՀ օրենսդրության պահանջներին համապատասխան:

Գործադիր տնօրեն / Աուդիտոր



Վ. Նիկողոսյան